

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, Sarajevo, koje zastupa ministar Admir Kafica (u daljem tekstu: Ugovorni organ) i

Indeal d.o.o. Sarajevo, ul. Trg djece Sarajeva 1, Tržni centar Aria Sarajevo, ID broj 202152320007, kojeg zastupa direktor Jasmin Čatić (u daljem tekstu: Dobavljač)

zaključile su:

UGOVOR O NABAVCI USLUGA PRANJA MOTORNIH VOZILA

PREDMET UGOVORA

Član 1.

Predmet ugovora je nabavka usluga pranja motornih vozila, prema Ponudi Dobavljača, a na osnovu Odluke o pokretanju postupka nabavke broj 04-I-11-4-28048/24 od 11.06.2024. godine kojom je određeno provođenje postupka dodjele ugovora putem direktnog sporazuma. Ponuda Dobavljača broj 175-04/24 kao i pregled službenih motornih vozila za koja je odobrena usluga pranja, čine sastavni dio ugovora.

VRIJEDNOST UGOVORA

Član 2.

Vrijednost nabavke iz člana 1. ovog Ugovora za 2024. godinu iznosi do 2.500,00 KM bez PDV-a (dvijehiljadepetstotina i 00/100 KM).

Cijena vanjskog pranja motornog vozila iznosi 6,41 KM bez PDV-a, a cijena unutrašnjeg čišćenja motornog vozila iznosi 12,82 KM bez PDV-a.

Cijene su fiksne i ne mogu se mijenjati za vrijeme trajanja ugovornog odnosa.

NAČIN PLAĆANJA

Član 3.

Plaćanje se vrši u roku do 30 dana od dana dostavljanja fakture, a na osnovu ispostavljenih mjesečnih faktura početkom mjeseca za izvršene usluge iz prethodnog mjeseca.

Član 4.

Dobavljač se obavezuje da će pružati usluge u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ će utvrditi razuman rok za ispravku propusta Dobavljača u smislu izvršene usluge.

ROK IZVRŠENJA USLUGE

Član 5.

Dobavljač je dužan ugovorenu uslugu izvršiti u roku od 15 minuta od zahtjeva Ugovornog organa.

PRELAZNE I ZAVRŠNE ODREDBE

Član 6.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogodene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogodena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 8.

Ovaj ugovor stupa na snagu danom potpisivanja ovlaštenih predstavnika i traje do obostrane realizacije, a najkasnije do 31.12.2024. godine.

Član 9.

Sve eventualne izmjene ugovora će se regulisati ankesom ugovora.

Član 10.

Ovaj ugovor izrađuje se u četiri istovjetna primjerka, od kojih po dva zadržava svaka ugovorna strana.

DOBAVLJAČ
Indea/ d.o.o. Sarajevo

direktor, Jasmin Catić

Broj: 061-09/24
Dana: 20.07.2024



UGOVORNI ORGAN
KANTONA SARAJEVO

Admir Katica

Broj: 04-1-11-4-28048-1/24
Dana: 12.07.2024. godine